

پیل : ۱ جلد : ۱

نپسان ، ۱۳۳۰


# پایا مجموعه سی

حالد

ناشری : تورکن بیلکی درکنی

آبدہ بر چیقار

مدیر : جلال ساہر



فیثانی : بش غروش

## صحى موزه حقنده

شخصى واجتماعى حياته فائده عمليه سى اولان معلوماتى اهلاليه قولاي و نافذ بر صورتده ويره بيلمك ايچين عمومى موزه لر اك بويوك برر عاملدر . ممالك متمدنه ده فنون طبيعیه حقنده هر كسه قولايجه معلومات ويره جك حيوانات ، نباتات ، معدنيات موزه لرى خصوصات صناعيه حقنده معلومات ويرمك ايچين طرق معابر ، وسائط نقلیه بريه ، وسائط نقلیه بحريه موزه لرى اولديغى كى هر كسه لازم اولان خصوصات صحيه حقنده قولاي و آچيق معلومات عمليه ويرمك ايچين ده ملت صحيه موزه لرى تاسيس اولونمشدر . بوكا بگزه ر موزه لرك پك فائده لى شايان دقت بر نمونه سى بر لينده عمله نك وقايه حياتى موزه سيدر .

## دائى ( عمده نك وقايه حياتى ) سر كى

مؤسسه نك رئيسى . — موسيو وهرسنهر : مشاورين خاص حكومتدن وداخليه نظارتى راپورتور مشاورينندن .

قسم فنى مديرى . — موسيو هارتمان : مشاورين خاص حكومتدن و ايمپراطورلق سيغورطه سى مجلس اداره رئيسى . ومعلم دوقتور موسيو آلبرت . ۱۹۰۳ ده كشادايديلن بودائى مؤسسه موجوديتنى رايشتاقلك نسبت دلالتكاريسنه مديوندر . ( ۱۸۹ ) مؤسسه  $\frac{3}{4}$  هكتار وسعتنده بر قطعه اراضى اوزرنده انشا ايديش يكديكرينه فوقنده درس سالونى بولونان بر دهليز واسطه سيله مربوط ايكي بنادن مركبدر .

۱ — مأمورين دائره سى

۲ — سر كى »

مأمورين دائره سنده مأمورين اودالرى ، رئيس دائره سى و برنجى قاتده دخى مؤسسه نك كتيخانه سى وبرورم موزه سى واردر . درس سالونى ، كه

«عمله نك وقایه حیاتی» ایله مناسبتدار قونفرانسله تخصیص ایدیلشدر؛ (۱۹۶) کیشی اوطور ایله جك صیرالری وارددر .

سرکی دائره سنه کلنجه : ۱۶۱۰ متره مربعی وسعتنده برقطعه اراضی اوزینه انشا ایدیلش بر بنادن عبارت اولوب ۸۱۸ متره مربعی بر ساحه شهیره مالک بر غاله ری بی حاویدر. مؤسسه داخلیه نظارتی طرفدن اداره اولونور. وفابریقا جیلرله مخترعلرک محصولاتی قبول ایددر.

تشییر ایدیلن اشیانک جسامت طبیعیه ده اولماسنه ممکن مرتبه اعتنا اولونور. صاحب لرندن اجرت آلیناز. و مؤسسه برای تشییر کتیریلن اشیایی ایگره تی اولارق قبول ایددر. مع مافیة اونلری صاحب لرینه ایسته دیکی زمان اعاده خصوصنده مختاردر .

سرکی ایکی بویوک شعبه یه منقسمدر که اک مهمنی ( عمله نك قضالره قارشی وقایه سی) قسمی تشکیل ایددر . بوراده نظر دقتی اهمیتله جلبه شایان بر نقطه ، سر کیده کی اشیاء آلات و ادواتک بویوک بر قسمنک یرلرنده اولدیغی کیی، شرائط اساسیه لرینی غائب ایتیه رک عرض ایدیله سیدر .

۱۱۵ ما کینا تمامیه حال فعالیتده تشییر ایدیلشدر . بونلردن آل ایله اداره ایدیله نلردن ماعداسی (موتور) واسطه سیله تحریک اولونور . و جمله سی سرکی دائره سنک زمین قاتنه موضوعدر .

غاله ری یه کلنجه ، برچوق اجهزه ، نمونه لر، لوحه لر، فوطوغرافیلر ایله مخلودر. وهپسنک اوزرنده آکلاشیلماسی غایت قولای و موجز لوحه جقلر وارددر. هر ما کینا اوزرنده قضالرک حدوثنه مانع اولمق ایچین علاوه ایدیان پارچه لر قیرمیزی یه و مضر صحت اولان توزلرک ، غازلرک و بخارلرک احساسنه مخصوص وسائلطده ماوی یه بویانمشدر .

هالک دهلیزنده ( کوزلرک و آلیسه لرک وقایه سنه ) مختص اجهزه تشییر

اولونویور .

اصل سرکی دائره سنه کلنجه، بوراده بر قسم آلات مرفعه [Les machines de levage] قضالرک اوکنی آلمغه مخصوص امنیت جهازلرینک، ایکنجی قسم

اورمانلرده چالیشان عمله‌نک واونک قارشیسندده معدن عمله‌سنگ وقایه‌سنة مخصوص أجهزه‌نک تشهرینه تخصیص اولنمشدر . بو دائره‌نک یاننده ده کاغد جیلغه مطبعه جیلغه عاڈ ما کینالر ، صابون تضیق ما کینالری ، مختلف خمیر (pâtes) لر اعمالنه مخصوص ما کینالر ، قصابلغه عاڈ ، والیسه جیلکه مخصوص آلات تشهر ایدیلن سالون بولونور .

هالاک تام اورتاسنده دخی معدن اخراجاتنده قوللانیلان أجهزه و آلات زراعیه ما کینالری و ( بحریه صنعتکاران جمعیتی ) طرفدن تصنیف ایدیلن آلات ولوازم ( کمیلرده آچیلان ده لیکلری طیقامغه مخصوص أجهزه ، تخلیصیه أدواتی ) مصادف نظر اولور .

غاله رینگ اوزرنده : بخار قازانلری و بورولری ، آلات مرفعه ونقل ، اعمالات و اخراجات معدنیه ، طوغلاجیلق ، کره میدجیلک انشآت و صنایع کیمیویه ده وقوعی محتمل قضالره قارشى اعمال ایدیلن امنیت جهازلرندن مرکب بر قولله کسیون وارددر .

ایکنجی شعبه ایسه ( صناعی حفظ صحت ) ه تخصیص قیلینمشدر . بوراده تنفس ایدیلن هوانک تصفیة سنة مخصوص أجهزه ، توزلرک قالدیر یلماسی ایچین مستعمل آلات ، منفسلر ، بانیولر و تأسیسات مایعه کورولور . بونلردن صوکره عمله‌نک غدالرینه ، مسکنلرینه ، تعلیم و تربیه عوامه ، حایه أطفال و شبانه متعلق لوازم و آلات کلیرکه ، بوتون بو حسناته تعلق ایدن شیلر خصوصی بر پاوییونه وضع اولونمشدر .

مؤسسه‌نک مصارف اعمالیه سی ۵۶۵,۰۰۰ ویرنیک بدلی دخی ۴۶۸۰۰۰

مارقه چیقمشدر .

مأمورین دائره‌سنده بولونان ورم موزه‌سنة کلنجه ورمه قارشى مجادله‌بی تأمین ایدن مرکزی قومیه طرفندن اداره اولونور .

بو موزه‌ده عمله‌نک صنعتلرینی ایشلرکن دوچار اولاجقلری قضالر ، خسته لقلر کوستریلدیکی کیی بو قضالره ، خسته لقلره دوچار اولماق ایچین نه کیی ترتیبات و تداییرم لزوم اولدیغی آلات ، أدوات ، رسملر ، موده‌لر ، لوحه‌لر ، غیر افیکلرله انظار عمومیه یه

عرض ایدیلشدر . هر کون معین ساعتده آچیق اولان بو موزدهنی هر کس جزئی بر اجرتله زیارت ایدر . موزدهنک بکجیسی هر شی حقنده معین بر پروغرام داخلنده زوارد معلومات ویریر . باشلیجه جهتلره نظر دقتلرینی جلب ایدر . بازار کونلری موزه هر کسه مجاناً کشاده در . اهالی ، عمله ، مکتب طلبه لری بورایه کیده رک صنعت قضالری حقنده قولایجه عملی معلومات ایدینیرلر .

\*\*

مملکت مزده دخی هر شیدن اول دوشونوله جک خصوص اهالینک تربیه اجتماعی ، دنیادن ، انسانلقدن خبردار اولوب کندیسنه ومملکتنه قارشى وظیفه سنی اوکره نمه سی در . بر شخصک کندینه ومملکتنه قارشى وظائفندن اک مهمی محافظه صحتیدر . محافظه صحت ایچین کتابلرده ، غزته لرده اوقوناجق ، قونفرانسلرده دیکله نه جک معلوماتدن هر کس متساویاً استفاده ایتمز . اکثراً بر چوقلرینک بر قولاغندن کیره ر، دیکرندن چیقار . مملکت مزده ده کل عوام اهالی ، اک منور خواصک دخی محافظه صحت خصوصنده فائده ویریر ، عملی معلوماتی پک آزدر . هر کس محافظه صحت وحفظ صحت اسملری ایچنده ، مظلم مجهولات آراسنده یو وارلامقده در . شخصی وعمومی حفظ صحت حقنده قونفرانسلر ونشریات واسطه سیله اهالینک ، عسکرک و طلبه نک وکنج واختیار هر صنف خلکک نظر دقتنی جلبه چالیشمقده دوام ایله برابر برده ملت صحت موزده سی تأسیسنه موفق اولونورسه اهالینک محافظه صحتنه داها عملی اولارق استفاده لر تأمین ایدیلش اولور . بو موزده دن : حربیه نظارتی عسکرلرینی ، معارف و اوقاف نظارتلری مکتب طالب و طالبه لرینی ، صحیه مدیریتی دو قنورلرینی ، وشهراماتی بوتون شهر خلقتی ، حکومت بالجمله اهالیسنی استفاده ایتدیره بیلیر .

خلاصه بویوزدن حصوله کله جک عملی تربیه صحیه دن بوتون دوائر حکومت و افراد ملت منفعتداردر . بناءً علیه بویله بر موزده نک قولایقله تشکیله دوائر حکومتک کافه سنک اشتراک ومعاوتی لازمدر . وبو اوقادار منفعتی واساسلی بر امر خیردرکه مملکت ایچین فوائدی لایحصادر . عینی زمانده علمی ، مدنی ، انسانیت نظرنده مهم بر مؤسسه خیرخواهانه میدانه کله جکدرکه اساساً آوروپا قونفرانسنه داخل اولان عثمانلی حکومتندن عالم انسانیت بویکی تشبثات مدنییه

چوقدن بکه مکده در. حالبوکه بوتون بوأسبابك فوقنده علوی وعلوتی نسبتنده  
تاله کار برصدا، براستمداد آوازده سی واردر که بزدن بر آن اول امدادینه شتاب  
ایتمه مزی طلب ایدیور. بوصدا یریر خسته لقلره ایکله یین آنادولینک، مریضانه  
نداسیدر. ورمک، صیتانک، فرنکینک زهرلی طیرناقلریله یوره ک پارچالایان سینه سی  
هر آن طیرمالانان، چوققلرینک پک چوغی یا شامادن اولن، یاشایانلرینک بر  
قسمی اولودن فرقی اولمایاجق قادار جیلیزوچلیمسز وجودلریله حیات غوغاسنده  
سندله یه، سندله یه، سوروکله نن بو یاره لی آنانک یوره ک پارچالایان  
استمدادی اُک حسسز یوره کلری اُزه جک بر حالده در. آنادولی ایچریسنده  
اوله کویلر بیلیرم که سنه لردن بری نه بر عسکر چیقمش ونه ده بر قیزک اوله ندیکی  
کورولمشدر. شیش قارینلری، صیسقه بویونلریله جانلی جنازه حالده طولاشان  
یوزاواللیلر اوزاقلردن کلن حفظ صحت ترانه لرینه قارشى نه آجی بر استهزای  
کریان تشکیل ایدیور. ملتک صاغلی مسئله سنده غائب ایدیله جک زمان  
قالمامشدر. بر کون اول مؤثر و نافذ چاره لر دوشونمه لی یز. بونک ایچین  
تدبیرلر پک چوقدر. هپسنده آیری آیری توسل اولونمالیدر؛ فقط هپسندن  
اول خاستالقره قارشى آچیلایاق عمومی جدالده خلقمزک مقتضی معلومات  
ایله مجهز اولماسی أسباب موفقیتک اُک مهم عواملندندر. ایشته هرکسه اُک  
آزوقت ایچنده اُک چوق علمی معلومات ویرمک ایچین تجربه اولونان وسائط  
میاننده اُک چوق موفقیت تأمین ایدنی اعلانچیلقدرد. موزه لرده بواعلانچیلغک  
اُک اساسلی بریولیدر.

بویله بر موزه نک صورت تأسیسنه کلنجه تأسیسات اداریه و علمیه ده  
شیمدی یه قادار اولدینی کیبی بر اوجکز طوتارق اداره مصلحت ایله کوچه  
کیبی اصلاحنه چالیشمق بو مسئله ده اولاماز. شهرک وسائط نقلیه نک قولایجه  
اوغرایاجنی مناسب یر محلنده، بر عرصه بولمالی. بورایه اُی بر معمارک پلانی  
دأره سنده مقتدر بر شرکت واسطه سیله بر بنا انشا ایتدیرمه لی. انشآت تمامیه  
اکمال اولونوب اساسلی داخلی ترتیباتی ده بیتدکن صوکر ایکی سنه مقدم  
درسده تأسس ایدن بین الملل حفظ صحت سرکیسنی بودفعه ثابت حفظ صحت  
موزه سی حالته تبدیل ایتمکه اوغراشان شرکت علمیه یه، یا خود باشقابویله بر هیئت  
علمیه یه ویرمه لی در. مذکور شرکت ویا هیئت ایسته نیله ن مقصده کوره باجمله

ترتیبىتى احضار ویرلرینه وضع ایتدکدن صوکرآ آناختارینی بزه تسلیم ایتسین.  
 موزە تعیین ایدیلەجک جسامت ، وسعت وشکلنە کورە ایکی ویا اوج قاتدن  
 عبارت اولور. اوست قاتدە بش بویوک سالون بولونور. بونلرک هر بررلرینه  
 مملکتیزک أمراض اجتماعیه سندن اولان ورم ، فرنکی ، صیتما و تراخوم ،  
 چیچک خستەلقلرینک أسبابی ، صورت سراپتی ، مملکتدەکی تخریباتی ،  
 طرز تدایوسی حقنەدە مولاثرلر، رسملر، لوحەلر واخل وضع اولونور. برسالونە  
 دخی عمومی وشخصی حفظ صحتک بیلینمەسی ایچین لازم اولان ترتیبات قونولور .  
 ینانک آلت قاتندە بر بویوک قونفەرانس سالونى ایلە مأمورینک اقامتنە مخصوص  
 ایکی اودا وسائرە یاپیلیر. بوموزە یە بر مأمور، بر خدمە کافیدر. هر کون معین  
 زمانلردە آچیق بولونور . عسکرلر، طلبە، قادینلر مجاناً، دیکر زوار کوچوک  
 بر دخولیە ایلە بوموزە یی زیارت ایدەرلر. مأمورە اولجە بر ایضا حنامە ویریلیر .  
 بو ایضا حنامە رسالە حالندەدە طمع اولونارق زوارە بر اجرت مقابلندە داغیتیلیر .  
 مأمور ایضا حنامە دن خارجه چیقماق اوزرە کلنلرە ما کینا کیی اورتایە  
 قونولانلری آکلاتیر. قونفەرانس سالونندە هر هفته اجتماعی خاستالقلریمز و عملی  
 حفظ صحت حقنەدە مجاناً قونفەرانسلر ویریلیر. برسینە مادە قونفەرانسلرە جان ویریر.

دوقنور نوفیو رشمی